

隨

園

詩

話

隨園詩話卷十三

倉山居士著

李穆堂侍郎云凡拾人遺編斷句而代爲存之者比墓
暴露之白骨哺路棄之嬰兒功德更大何言之沉痛也
余不能仿韋莊上表追贈詩人十九人乃錄近人中其
有才未遇者詩號幽光集以待付梓採取未畢姑先摘
數首及佳句存詩話中歸安姚汝金字念慈初名世錄
性落拓冠履欹斜有南朝張融風味謝吳眉菴少司馬
薦鴻博啟云十年老女猶畫蛾眉百戰將軍空爭猿臂
一時傳其工整題李將軍夜逢醉尉圖云隴西將軍雄

且武猿臂閒來聊射虎良宵與客飲田間飲罷歸迴亭
尉侮將軍醉矣尉未醒宿之亭下良復苦羸馬單車將
次借昏燈澹月殘更此是時將軍正失官意豈須更忘
滅虜誓屈龍沙熊豹姿試聽鷺堠蝦蟇鼓畫師摹寫如
目睹而帶微酡色微怒古者門官各有司彼候人兮實
主之夜行必禁犯必罰由來啟閉惟其時今將軍尚不
得爾斯言良是非醉詞儻師文帝弊細柳此尉應得蒙
恩知或如丙相怒酒失異日可藉閒邊機請俱一旦快
私忿將軍之量宜偏裨看劍云齊金楚鐵擅名高碧血
模糊舊戰袍不躍不鳴兼不化問渠何處異鉛刀念慈

受知于鄂文端公公卒念慈哭云未報公恩徒一慟自
憐此淚亦千秋在山左時有訛傳其死者後入都諸桐
嶼太史贈詩云學道終朝銀闕去入都快比玉門還念
慈答云欠來一事能逃否聞到同心自愕然

金陵劉春池名芳織造府計吏也不戒於火將龍衣貢
物俱付焚如賂累後既貧且老而詩興不衰如貧難好
客如當日老覺逢人羨少年三間屋僅栖兒女一領裘
還共祖孫從古詩惟天籟好萬般事讓少年爲昔佳句
也其憶半野園舊居云半野園堪遂隱淪山爲屏障水
爲隣林亭已入天然畫休息難終老去身喬木昔曾經

我種好花今復爲誰春傷心最是重來燕不見堂前舊
主人弔香櫞樹云自別園林甫二句忽枯此樹是何因
伊如義不迎新主我獨悲同哭故人物與情通原有感
木經歲久豈無神尚須留取根株在猶望仍回舊日春
劉以欠帑入獄予向尹文端公誦其詩尹驚其才卽命
寬限一時傳爲佳話其子曾字悔菴亦好吟詩不省家
事人目爲痴然得一二句便寫示余歲晏云簷以低常
煖裘因敝轉輕見贈云新稿只呈蕭穎士長裾不謁鄭
當時嗚呼胸襟如此何得目爲痴哉

春池尙有佳句云道在已時惟自適事求人處總難想

袁樹轉作無家客多壽還須有福人異地幾忘身是客
禪門今已熟于家

春池富時有窮胥倚以生活後竟負之故咏落葉云積
怨堆愁委地深西風哀草亂蟲吟此時狼籍無人問唯
記窗前借綠陰雨中海棠云黑雲若得明朝靈紅雪猶
餘未放枝我獨笑花花笑我今年俱未得逢時此雖倣
羅隱贈妓詩意而運用恰新

烏程凌雲字香坪少有吳門紀事詩極酒場花徑之樂
晚年就館李參戎家鬱鬱不得志而卒胥門感舊云金
閭曾度五清明選勝携朋取次行楊柳堤邊調細馬杏

花村裏聽嬌鶯春風久負青山約舊雨難尋日鷺盟今
日胥江重艤棹斜陽芳草不勝情過分水龍王廟云汝
河西注水汪洋南北中分界兩行從此空彈遊子淚隨
波流不到家鄉他如雨積山多瀑烟收樹滿村魚跳驚
燭影雞唱亂挈音俱有風味

表弟章蕤齋秀才名袁梓性迂碎有潔癖好神仙吐納
之術自謂可長生而卒不驗睢陽客興云幾度飄蓬動
客嗟况逢遲日感韶華堦前杖響誰看竹月下烟飛自
煮茶遊騎踏殘零露草幽禽含過隔墻花尋芳孺子知
時節也着新衣到酒家對雪云素光燦爛映簷楹水許

踈狂嘆獨清
隔夜江山都改色
連朝猿鳥並無聲
風飄墮瓦寒
水響鼠滅殘燈
外戶明
畫帳香茵初睡起
舉頭錯認是天晴
其他佳句云
有梅人坐靜
踏雪鶴行徐
風枝挑瓦墮
石笋引藤纏
宵柝暗
驚孤客夢
寒雞時作故鄉聲
蜂能負子應知老
燕屢升堂若賀
貧花香夾路人歸
緩水影搖天
月上逐投杖
驚逃穿屋鼠
圍棋引進過門人
俱妙

高文舉字東井少年韶秀嶷嶷自立
父植宰德化有賢聲
所得俸盡爲東井買書
年未二十詩已千首
目空一世
于前輩中所心折者
隨園與心餘而已
舉甲午鄉試

後卒千京師詩稿不知流落何處見贈云萬壑千峯裂
一門仙家住老百花村重開朱戶樓臺出未改青山面
目存執手各探新得句驚心難定舊離魂憐才誰似先
生切替拭襟前積淚痕宏獎何人得到斯文章屬義一
身持眼無後起偏憐我座有先生敢論詩轉花風看收
花候在山泉話出山時才名官職誰多少未要區區世
上知此身幾肯受人憐低首爲公拜榻前不朽文章傳
郭泰得聞絲竹許彭宣女嬃詈予申申日鄧禹嗤人寂
寂年想到平生知己報商量只有祖生鞭其他佳句如
過衢州云水回雙碓落灘急一篇爭壽山菴云一磬隔

花出片檐當殿陰送人云且將一點思鄉淚洒向君衣
好寄歸贈方子雲云門外市聲三日雨簾前風色一床
書過阮懷寧故宅云烏語尚疑偷法曲池波無復照明
粧

崑山徐柱臣字題客健菴尚書之孫余親家也飲外舅
張氏青山莊云東風報花信春色來南枝較權風漸細
到門香已知綠野占勝迹青山似昔時登樓俯林杪雪
影何離離舟中晚眺云天垂餘靄橫船在鏡中行拍手
沙禽起迴頭明月生向南寒氣減入夜酒懷清不有蘭
陵釀銜盍空復情題客性耽詞曲晚年落魄揚州爲洪

氏司音樂以終惜哉又有句云看慣舊書多脫線稜來
新樹少開花

徐緒字徵園蘇州人貌短小爲李守備炯記室終日以
酒一壺杜詩一卷自娛此外不知有人間事余題其小
像云吳市布衣大杜陵詩骨尊卒貧死詩稿散失余錄
其兩阻胥江云擊拆嚴城閉相依再宿舟一天惟是雨
六月竟如秋漸覺江湖滿能無稼穡憂萍踪憐乞食華
髮早盈頭移居云剝啄衡門啟時過話老農却欣環泮
水不厭此萍蹤對酒東隣樹催詩南寺鐘隔城山色好
落日見笑蓉歸舟至盤溪云漂泊仍長缺歸來買釣艖

順流風勢緩近岸雨聲多小鳥衝烟起低橋撥棹過家
人應識我篷底遠聞歌盆菊云束瓦爲花盆無須金屋
藏帶霜移牖下就日列堦旁種細開尤晚名多記輒忘
到殘應匝月不限舉盞觴寒檐云寒檐短景如風馳迢
迢長夜占入時弱女刺繡補不足一燈豆火燃殘脂呼
兒刷論千古事老妻來聒明朝收掩耳疾走且相避隔
屋吾弟能吟詩不圖轉落乃嫂笑小郎亦有兒啼飢西
隣哭云夜聞西鄰哭哭聲一何悲云是母哭兒聲聲哭
入老夫耳老夫亦有丈夫子同日辭家分路死死弗及
見哭戀棺三月到今淚未乾傷心有口那能言君不見

鳥生八九子一一飛上青林端
新竹云森森碧玉已成
行一雨長梢盡過墻
微露粉痕初解籜
疑君已帶九秋霜

杭州仲蘊繁字燭亭與余同庚雍正癸丑兩人初學爲
詩彼此吟成便攜袖中冒雨欣賞後余官白下而燭亭
亦就幕江南常得把晤歲辛卯相見蘇州怪其消瘦不
類平時壯俊然意致尙豪猶令小妻出拜尙無子亡何
訃至記其長至日飲隨園云老大空憐役庫車清樽小
語過精廬二千里容易中酒半百外人無熟書斷牖貼
雲寒雨後歸鴉擁樹晚晴初今朝登畫軒西醉覓句差

負一線餘莫愁湖云精波嫩柳舊歌臺一眺愁心罍小
開湖影淡拖山色去春煙冷送夕陽來遊絲不綰金跳
脫水調空沉阿濫堆誰更風流問徐九銷魂無那索茶
盃郊行云雨霽郊圻笑語譁裙腰碧過四娘家遊思解
渴問池店春尙慰人留病花遠寺鐘隨遲日度隔江山
挾晚靑斜零星滿地榆錢好幾日村醪敵歲華他如月
於低處作湖色山漸暝時生水烟皆瘦硬自喜

余甲子分校南闈題樂則韶舞有一卷云一人奏瑯而
入伯歌風愛其文有賦心薦而未售出榜後遇外監試
商寶意先生曰我收卷見一文絕麗問之乃吳梅村先

生孫也我告之曰此文若遇袁太史必能賞識因誦此
二句予告以果力薦矣彼此大喜覺論文有心心相印
之奇未幾吳到沐來謁貌如美女年才弱冠益器重之
癸酉余從秦中歸隨園而吳已中經魁來見則嘔血失
音非復曩時玉貌予心憂之赴都會試竟死塲中年二
十七其時同薦者有松江廩生陳邁晴亦奇才也塲後
賦百韻詩來謁情未存其稿先吳卒吳在席上題盆中
飛白竹云渭水清風譜流傳有別支出藍誇逸品飛白
擅竒姿名以中郎重根從子敬移森然一筆起曠若八
分披捲葉輕子穀扣枝弱比絲映花風獨轉拂草露俱

垂細細分龍節輕輕洗玉肌生來鳳尾貴不怕雀頭痴
影落屏風小香傳棊几遲恰添承旨石同上伯英池專
室居何媿登床賞自奇地依蕭寺好人在晚時宜擢彼
東南秀珍逾十二時品題無與可篤好有羲之北館承
家學南宮得畫師綠窻窺窈窕紅燭照參差蘭畝傳新
樣魚箋寫折枝好將端獻筆追取順陵碑吳諱維鷓木
倉人佳句尚多僅錄其吉光片羽者不料其卽赴玉樓
也陳生五策博引羣書兩主試愕然不知來歷余爾時
年少氣盛語侵主司以故愈不得售亦其命運使然耶
有哀爾生詩存集中

常熟王陸禔字介祉瘦長骨立兩眸熒然家貧母老又
遭馮敬通之厄客死長沙年三十二其詩清麗蘇臺紀
事序云僕本恨人尤希好事趁蘭膏之餘儼述花月之
新聞則有素佐名流宏農妙裔王昌居處迹近金堂韓
壽來時香通青瑛瑤頭一笑秋風客鑽穴相窺枕畔五
更夜度娘驚坏而遁不須青鳥爲約佳期何必元駒始
諧歡夢手提金縷踰香昌以聲希懷落鈿釵習流蘇而
影亂輕攜屈戌潛由顛愷之厨反合倉琅永匿梁清之
洞遂致空閨大索徒勞阿母關門鄰壁旁求共訝彼姝
履闥倘屬無妻之牧犢或易牽絲偏爲有婿之難敷難

收鬻水霧生三里葉不翳蟬風挂一帆花終戀蝶可憐
月姊隨蟬魄以俱奔詎耐冰人賦鼠牙而作訟謀成祕
計大都鸚鵡之禪下得官符不是鴛鴦之牌恨三生兮
永別未消圓澤之煙縱九死以無辭難賈茅山之藥是
則煉媧皇之石莫補離天彎后羿之弓長仇烈日者矣
嗚呼人生行樂難禁贈芍遺椒我輩鍾情未免焚芝歎
蕙觸哀弦千舊軫儂亦情狂戒覆轍于前車卿休放誕
不逢白傅誰裁長恨之歌爲語雙文我作會真之記詩
云東風如夢春如畫蘿蔓須扶薇待架黃雀飛飛鏡檻
邊班雕得得樓欄下綠楊門巷是兒家青粉墻高隔亂

鴉情豔羞窺留影鏡耽閒懶逐鬪風車柔懷脈脈慘幽
獨小小紅絲曾繫足蕭史遲吹引鳳簫馬卿忽奏求凰
曲尋常聲息互知聞促燭遙鐘雨斷魂側帽望殘牕竹
影抽釵割遍胡笳痕蓬萊咫尺休嗟遠綵綵輕裙便往
返曉把豪犀故剔梳宵捫了烏還加鍵懷中轉劍掌中
繁殿舊難描嫋妮形蛤帳霞光猶恍忽蜃窟日彩更晶
熒剝骨恩同膠漆冷迷藏祕戲貪嬉狎連天夢雨卷陽
臺平地風波生楚峽無端阿母喚匆匆捲幔披帷窺
空鷓鴣攪翻脂盃粉狸奴搔亂綉牀絨侍兒尋覓爭
惹瞥見微光抽替問問道斜通烏鼠山傾垣近接鸞

社防開始悔未週遭直待亡羊與補牢瓜字分明慚碧
玉藕絲宛轉怨金刀多生久作雙飛侶豈忍禁持別離
苦携手潛登范蠡舟齊眉共寄梁鴻廡天桃已放出墻
枝元稹從題決絕詞無奈鳩媒偏作惡不容雁婿永追
隨訴牒倥惚控花縣狐城免宿徵求遍里胥排日計郵
籤亭長分程馳驛傳替戾罔旋劬禿當可憐屈體受銀
鐏淋鈴兩泣紅顏婦貫索星臨白面郎鯽誓從今消舊
寵刀環約在要離冢馱金縱許贖文姬化玉何時見韓
重君不見雪絮漫天颺作塵沾衣拂幌總前因柳枝逸
去樊娘嫁我亦情傷潦倒人留鬚云漸看鬱鬱復離離

忍遺芟除累剗削潘鬢見來增老態飛胡學得憶兒嬉
依稀草活抽芽日彷彿花殘露蒂時猶自堪摩未堪持
色教人把彥回唾屬體風懷夢裏春叢叢羞憶鬪如唇
好陪覓句拈髭客休對熏香薙面人青縷細含微見影
紫珍纒展傾傷神從渠長到星星日敢向中涓戲效顰
咏題名錄云倚棹向通津紅箋闕市塵買時慚啟齒展
處暗傷神千佛名經錄三生慧業因未看先鄭重回視
更遑巡幾輩曾盟笠伊誰是積薪名塲驚絕迹號舍記
北隣藥鈿相依切風檐問訊頻獨憐叉手客未遇點頭
人何敢輕餘子徒教怨不辰窮通知有命俯仰總嫌身

孫國舅牡丹歸云
秀春間訪野人家
扶醉歸來日未斜
買得扁舟小
子葉半容人坐
半容花
其他如落梅云
驛使再來休問信
美人已嫁莫相思
杏花云
開當落日憐微倦
嫁與東風恐不甘
偶成云
悞書因想得
微倦覺眠

佳

介祉好作無題詩
如衣上石華新
唾迹帳中霞
采舊丰神
登塙不惜三年望
展畫誰甘百日呼
人謂其輕薄則云
畢竟閒情累何德
不言惟有息夫人

常州李檢討英字
芋圃
余甲子科所得士
爲人醇古淡泊
一望面知爲君子
年老乞歸
掌教六安州
過隨園宿

十日去竟永訣矣卒無子歸雁云清秋雁聲落屋樞春
早急去程期嚴此邦之人非汝嫌高飛冥冥去且僉稱
梁雖謀退亦恬江湖暑濕難久淹吁嗟物性尚避炎春
深云眷深淹久客門掩卽山家悶遣攤書坐吟就倚杖
斜晚風敲徑竹微雨潤蔥花不覺蒼苔暗深林已暮鴉
僻處云僻處無喧囂閉中耐寂寞一卷味可就雙履懶
不著在苒春將殘東風捲羅幕庭前碧桃花遲開亦遲
落

丙辰在都詩人大會有常州儲君師軾字學坡者年最
長爲生中祭酒後三十年會試出余門生李英名下選

作校官監鍾山書院久不來見余與莊君念農先往大呼而入曰太老師來捉小門生矣彼此大笑招飲隨園見贈云廿年名姓達安昌應許彭宣到後堂問字久辭松徑杳傳觴重嗅竹林香樓臺近水千層曲草木連山一帶長只恐徵書來北郭未容老住白雲鄉高築天風百尺樓憑欄懷古意悠悠聲詩不墮開元後法物還從宣政收借箸風生磨盾鼻讀與某將軍書登山雲起遂菟裘中林猿鶴無猜忌繞樹銀燈蠟屐遊卒無子詩多散失杭州潘涵字宇情宰六合以循吏稱兩子早卒家竟絕嗣甚矣天道之難知也僅錄其隨園小集云安住林亭

遠放舟境隨人轉水隨鷗好山剛近長江口老屋深藏
大樹頭叱馭原同招隱別買園先爲種花愁解還墨綬
銅章貴換得繁英與素秋香名弱冠飲都城壯志空山
踽踽行陶令獲田償酒債敬姜操績伴書聲漁童歌好
垂絲聽長者車來拂袖迎一片倉山梅影水回頭還比
玉堂清西亭北榭闌闌干閣引天風獵獵寒舊約飛魚
傳去杳新詩走馬借來看風生咳吐追唐調禮失威儀
謝漢官笑我熱中心未死偷閒來弄釣魚竿

同年許朝字光庭常熟人詩似放翁歿後家無繼起者
錄其佳句云泉礙石流無意曲草經霜隕不須芟倚床

愛就肱邊枕照鏡貪看背後山得月便佳還值望是山
都好不須名預思煮雪鱸先辦不會裁花譜借抄五言
如病驪云眠沙深有印嚙草嬾無聲山村云峯亂向人
湧泉分界石流又舟隔隄撐半露篙七字亦佳

蘇州周鈺字其相相遇于江雨峯家蒙一見傾心每過
蘇州必主其家家道甚豐而性嗇且傲卒無子以葬親
故墜水死見贈云零亂花飛又一年思君時問北來舡
隨園清夜三更月應照幽人獨自眠空吟場藿白駒詩
往事傷心不可思南國至今悲賈誼爲他偏值聖明時
咏落花云鶯從此日空啼樹人到明朝嬾上樓

張長民秉政予表姪也父灝官侍讀學士長民十五舉
京兆三十天亡送余出都云芙蓉雙闕致君身悞逐飄
風落九旻丹穴有天翔鳳鳥金羈何術擾麒麟關前候
吏覘青犢江介行舟盪白蘋此去未須憐左授下方欲
識謫仙人

史梧岡進士名震林湛深禪理半世長齋知余不喜佛
而愛與余談以爲頗得佛家奧旨余亦終不解也記其
觀荷云露折朱霞褻旭開淒涼心付蓼花猜銀河正晒
天孫錦風雨欺香禁早來蕊綻華峯鬪錦年序班宜在
牡丹先携琴笑坐如船藕去訪蓬萊海外天梧岡即修

行無他慕只求免人輪回少認世間無數爺娘耳

閩人劉南廬名芳貌若枯僧以布衣雲遊所到必棲深山古剎受羣僧供養問何不還鄉笑而不答晚年卒于通州之狼山羣僧爲葬于駱右丞墓側置石碣焉丁丑九月宿隨園見贈七律僅記中二聯云安仁尙有栽花興孟博全無攬轡心水影到牕知月上松風攬枕信秋深焦山避暑云十丈洪濤一小舸乘危避暑到僧寮衣沾濕翠晴猶滴榻拂涼雲午不消塵檻有天連水閣開門無路入塵囂濁醪我欲酬高隱千古幽魂未可招瓦官寺云瓦官瓦破佛廬荒三絕空懷舊講堂曲徑雲深

僧笠重閒門花落客鞋香行經河畔聞簫鼓坐近臺邊
想鳳凰弔古一尊沾未至烟鐘風磬立斜陽軍山夜坐
云星辰夜影牕間落江海秋潮枕上生

湯西崖少宰幼有美人之稱其幼子名學顯戊寅見訪
長身玉立想見少宰風儀有慧山二首云九峯鬱雲根
蜿蜒羅青蒼夤緣入幽磴長史舊草堂只今法象空寶
旛馴鴿翔葉落拂床塵花放見佛光癯僧不談禪哦詩
草木香孤意與俱永隨在如坐忘颯瀝林風生寒空弄
清樾山禽隔葉鳴好音聞不絕訪碣別烟蘿斂脚半磨
滅蝶老抱秋花松疎漏涼月際此孰含毫秀采芙蓉發

李端村最長絕句人有薄其尖新者不知溫子昇云文章易作道峭難爲若嘯村者不愧道峭矣其秦州舟次云烟汀月暈影微微辨得宵衣草上飛垂髮女兒知盪槩不辭風露送人歸夜泛紅橋云天高月上玉繩低酒碧燈紅來雨堤一棹歌聲風動水輕舟圍住畫橋西廢園云誰家亭院自成春窻有莓苔家有塵偏是關心隣舍大隔牆猶吠折花人青溪云粉牆經掃落花塵一帶樓臺樹影昏雨細風斜簾未捲縱無人在亦消魂却人寫真云有影正嫌無處厯不才尚覺此身多此是嘯村最佳詩而歸愚別裁集只選上已憶白門一首云楊柳

晚風深巷酒桃花春水隔簾人不過排奏好看字面最爲下乘捨性靈而講風格者往往捨彼取此

自太傅云有唐衢者愛其詩亡何唐死有鄧訪者愛其詩亡何鄧死吾于金陵得二人焉一金光國一高步瀛詩筆超雋受業未及三年俱死金之詩惟存祝壽數章高有未灰稿二編晚春云百花開落草芊芊傑閣層樓白石邊埋沒春光全是雨初長天氣却如年客來未慣驚雛燕人到無愁愛杜鵑柴兒一燈三徑晚垂簾影裏是茶烟七絕云風刀瘦剪綠楊絲一路芳菲落日時山由不妨隨徑轉隔雲早見酒家旗靜裏消磨墨數封

書遠問作詩僧尋君曾到聞鐘後流水村橋照蠟燈僅
句云不是近霜偏愛菊要需時日始看梅燈非報喜花
爭結人慣離家夢轉無同人催上馬臨水廢觀魚名每
輸王後嫌終避濁前皆有精心結撰不入平淡一流

紹興布衣俞楚江名瀚久客京師金少司農輝薦與望
山相公公稱其詩有新意卒無所遇賣藥虎邱而亡登
九龍山遇雨云浮生徒碌碌冒雨渡寒津策馬山頭過
雲橫不讓人偶成云安貧求自寡書劍漫相從且築數
椽屋將爲一老農亭坐雲可貯院小樹還容居近開元
寺臥聽清夜鐘戒飲原因病村旗莫浪招忙酬花事畢

閑養睡魔驕霜色歸蓬髻秋聲上柳條竹爐茶未熟一
縷細烟飄他如誰與吾來往西山一片雲初倦欲眠風
勸舞鳥歌未和雨催歸俱有意趣

儀真諸生張曰恒受知梁瑤峯學使寫詩一冊屬尤貢
父先容將來見余呼舟未行以暴疾亡年未三十冊書
山中早春云不知芳信轉但覺鳥聲和倚檻聽溪水紆
行繞竹坡池香生草潤樹暖着花多雅意看風愜還應
倒白醪青山守風云野處依沙岸孤帆守客塗勞心虛
悵望終夜戀菰蘆江影時明滅星光乍有無曉風狂不
定神女弄波珠江令宅云南都多舊第江令最知名長

板雙橋合清溪一水迎仙臺廻騎杳高樹晚鳩鳴悵望
城東路年年春草生

杭州宋笠田明府名樹穀宰蕪湖有警聲隴官再起補
陝西兩當縣過隨園一宿而別聞爲甘肅案謫戍黑龍
江三近七旬恐今生未必再見幸抄存其詩立秋東顧
孝廉云前宵白雨昨清風爍石炎威轉眼空蕭竅商聲
先蟋蟀一年落葉又梧桐花開涼夜香偏久吟入秋來
句易工爲報湖頭二三子好脩遊屐理詩筒獨步淨業
湖云風吹堤柳綠斜斜淨業湖波亂似麻京國清明初
斷雪故園二月已飛花青帘易買三升酒白乳空思七

梳茶日暮一行飛雁落知渠曾否過吾家山村小步云
如此春光不自持寬鞋短策步來遲得時花柳有矜色
入畫雲山無定姿佳節放閒村學散豐年預兆老農知
日斜碧水橋頭坐何處陽簫向客吹出京留別云六年
燕市聚遊踪酒席歌場處處同一文西風人去遠便從
天上望諸公對月云桂花庭院晚風輕簾捲西牕看月
生只費一鈎懸詞妙已教秋思滿江城盆梅云數枝也
復影橫斜惹得羈人鄉夢賒拋却西谿千樹雪瓦盆三
尺看梅花山塘閒步云踈狂猶記少年時幾處歌場鬪
舞詩今日舊遊零落盡酒痕只有故衫知似此風光絕

可憐相攜朋好踏春烟怪他楊柳舒青眼只向長街看
少年紅花埠題壁云六年京國夢江城此是江南第一
程爲算還家多少事昨宵枕上聽三更林處士墓云巖
居尚恨雲常出世事惟餘詩未刪僧舍云新花倚石巖
相待古佛候門如欲迎近郊小飲云風吹池水千何事
人映桃花憶此門

笠田詩甚多予又年幼慮其散失故再錄其咏屋上草
云秋雨積我簷秋草繁我屋分行隨瓦溝踞勝等山麓
得天雖有餘資地苦不足踐踏幸免加滋蔓遂逞欲率
爾占萬間偶然餘一角下止駭飛鳥仰望饒奔犢垂垂

映垣衣密密成翠幄高先偃疾風柔能格響雷慣被炊
烟遮不受樵採辱鳴吻日以藏龍鱗日以駁省葦蕪補
苴代索綯約束寧肯事剪除留作百花褥

孤甥陸建與香亭弟同受詩於余而建早亡余已梓涓
君集行世矣其弟所年未及冠而天咏小滄浪云十里
橫塘路舡搖明月春鴛鴦相識否前度探蓮人春暮云
登窗晝靜獨徘徊綠上疎簾認翠苔忽見飛花三兩片
迴風舞過小溪來落花云傷春無奈落花紅夾在離騷
一卷中葬汝自憐非玉匣開書到底見春風

湖州進士沈灝字惟涓詩近皮陸人多輕之然典雅處

不可磨滅奇懷杭莖浦云休向江潭悵獨醒青山偃蹇
稱閒庭枕函自秘鄉孃記農社還修耒耜經小艇瓜皮
乘月泛清歌菱角隔簾聽朝衫拋却饒幽興好伴維摩
著素屏步履經過屢結跌同牀各夢一悲吁謂舉陽筵
窻聽雨都元敬酒罷移官張藐姑琴作家資空送別鶴
分俸料耐償逋偶耕他日期相訪穩卧瓜牛號野夫
丹徒宋竹樓懷人云何處飛來殘笛聲西牕月落鳥爭
鳴誰言夏夜夜偏短萬里夢回天未明

蘇州汪籍詩學七子遊穹隆云星滿天壇河瀉影月離
海嶠樹生烟栖霞云罨埋大壑封秦樹雷劈陰崖見禹

碑乙酉秋闈遺才不錄遽登舟歸余聞之急往見學使
彭公芸楣公謙云某在此衡文三年得母有人怨我乎
答曰有彭駭然變色余笑曰公母驚也詩人汪大紳公
不許其入場何也彭更駭云此某所拔歲考案首也豈
有遺才不取之理余云渠已買舟歸矣乃手書其名補
付提調而遣人追之時已八月初七日矣傍晚汪到見
謝詩云業已湛盧歸越國忽蒙追騎喚王孫

考据家不可與論詩或嘗余馬嵬詩曰石壕村裏夫妻
別淚比長生殿上多當日貴妃不死于長生殿余笑曰
白香山長恨歌幾眉山下少人行明皇幸蜀何曾路過

張眉耶其人語塞然太不知考据者亦不可與論詩余
錢塘江懷古云勸王妙選三千弩不射江潮射汴河政
訾之曰宋室都汴不可射也余笑曰錢鏐射潮時宋太
祖未知生否其時都汴者何人何不一考

唐相陸扈云士不飲酒已成半士余謂詩題潔用韻響
便是半个詩人

蕪湖洪進士鑿以江山好處渾如夢一塔秋燈影六朝
句馳名沈歸愚愛其夕陽無近色飛鳥有高心二句余
道不如德邊落微雪竹外有斜陽之自然也七言云人
居客館眠常早家寄空書寫最難

壬戌秋余補官江寧途豫長卿以弟子禮見其人修
潔自好以啄簾波爲戴雪村先生所賞詩宗溫李其秦
淮曲云燈船歌吹酒船遲天鼓聲閒唱柘枝石上暗潮
鳴國語無人解拜侍中祠可謂曲終奏雅矣呀竹床云
微吟留枕席殘夢入瀟湘

癸未四月京口程君夢湘全遊焦山一路論詩渠最心
折於吾劉樊榭先生心摹手追幾可抗手有絕句云昨
宵忘記下簾鉤吹得梅花滿竹樓五夜蘭衾清似水夢
涼酒醒雪盈頭在隨園賞海棠云隔著紫玻璃一片夕
陽紅得可憐生又曰朦朧月色溫磨酒錯認銀鈿列兩

行嗚呼有才如此宰湘陰未二年以事罷官口號云舌
在猶生路詩多卽宦囊甫四十歲而死惜哉然松寥山
房集四卷頗足不朽君字荆南天資絕高好吟詩畏作
時文壬午鄉試向家人詭云入闈乃私匿隨園數日爲
余斟酌詩集頗受其益

尹似村詩雖經付梓而非其全集也集外佳句云鵲非
報喜何妨少雨縱澆花也怕多欲穿竹笋泥先破才放
春花蝶便忙水去視池防夜凍春生布被藉爐溫買將
花種分兒女試驗誰栽出最多接尚方伯書云惹得妻
孥來笑我柴門那說沒人敲數聯可謂專寫性情獨近

劍南矣

甲午二月予過真州南監掣張東舉招觀並頭牡丹一
時作詩者無不以二喬爲比獨楊鯤舉二句云似承周
名桃夭化絕勝漁陽麥兩岐

古名士半從幕府出而今則讀書不成始習幕此道漸
衰猶之古稱秀才楊素以爲惟周孔可以當之非若今
之讀時文諸生也康熙雍正間督撫俱以千金重禮厚
聘名流一時如張西清范履淵潘荆山岳水軒等皆名
重一時范詩景清無從訪覓只記西清過潯陽云潯陽
江上客一歲兩經過去日梅花好歸時楓葉多櫓聲搖

夜月帆影落晴波爲向山僧問塵容添幾何

揚蓉裳金陵鄉試借舅氏顧公斗光來顧長不滿四尺而詩筆特佳仿鐵厓咏史樂府伏生女云坑不得闔內儒燒不得腹中書伏生父女皆口授典謨訓誥如其初吁嗟伏生女強記人不如漂母云哀王孫在淮陰一飯之恩如海深哀王孫不求報千金之贈不可少千金容易一飯難沛公家有轅盜嫂

吾鄉王麟徵秀才名曾祥工古文不甚作詩而五言獨工如星芒林際大雪滴晚來踈慰某落第云曾說捐金能市馬能聞買犢竟還珠

山石王義園先生名師爲江蘇方伯爲巡撫安公所劾
奪職歸余時宰江寧賦詩送行云他日終爲黃閣老此
時權作白雲夫公見答云期君遠作中流柱愧我曾爲
上大夫常題書舍云曲院回廊留月久中庭老樹閱人
多

蘇州劉潢字企山有清才與顧景岳齊名常因召試
來隨園貌瘦而弱旋以瘵亡僅記其晚步云缺月依橋
斷孤雲背郭流

明鐵崖孝廉性骯髒不羈年四十早亡其兄竹岩爲誦
其落花云薄命誰憐傾國色受風偏是最高枝贈友云

空腸得酒生芒角交友因人判淺深

已未年余乞假歸娶見呂觀察守曾于完顏臬使署中
讀其松坪集樂府最佳如云雨雪思見覲觀去淚如霰
來時笑相迎啼時歡不見夏日冬之夜猶有旦暮時與
郎情難滿如醕醜漏卮登雲山云石徑巉巖花氣紛偶
乘餘輿送斜曛不知絕壑何人嘯遙帶鐘聲入暮雲未
二年署布政使以盧察受內臣周內憤而雉經非其罪
也

洞庭山人蔣愚谷喜吟詩致貧其家以療疾亡其成仁
菴云心安靜看閒雲過地僻渾忘夏日長虎邱云鳥栖

深樹斜陽影。風過虛堂貝葉聲。愚谷每來隨園往往有。匆遽之色死後予挽聯云。生爲誰忙。學業未成家已破。死虧君忍。高堂垂老子初啼。

余知江寧過觀象臺見有題壁者云。草色荒臺過雨遲。短牆古柏暮雲垂。桃花紅引遊人去。獨自斜陽讀斷碑。問之僧人乃嘉興夏培叔名復森者所題。因聘修志書耳。聾興豪一日從嘉興還金陵告余曰。家中手植老梅一本。去冬爲僮所伐。乃弔之云。老梅移種廿餘載。客裡歸看已作薪。無復橫斜舊時影。負他多少後來春。秦淮夏集云。傍晚紛紛載酒卮。有筇筇處過船遲。一河風月

無人管都付橋南楊柳枝
亡何歸里卒相隔三十餘年
聞其子鼎中庚子副車余感詩人有後爲之狂喜

沈歸愚選 本朝詩不知杭州王百朋幾有遺珠之嘆

余告之曰百朋諸生名錫毛西河高弟子也百嘯竹軒
集無題云燈暗頻疑虛室響衾多不敵半床寒金針入
處心俱痛素線添時恨共牽皆余幼時所熟誦句其子
厚齋與余隣居交好和余落花云乍驚彼美從天降直
覺斯文掃地來余覺不祥果一第而卒厚齋名風淳

人但知商寶意先生以詩名海內而不知其弟名書字
響意者亦詩人也作貴州吏目有消夏吟云雨後壑全

響日中崖半陰壞簷蛛網結嘉樹雀巢深永日無公事
閒居有道心生衣隨意着涼意滿衣襟又六月無三伏
一朝有四時蜂巢當午開蚓壤趁涼歌真能寫黔中風
景

唐人詩中往往用方言杜詩一昨陪錫杖一昨者猶言
昨日也王逸少帖一昨得安西六日書晉人已用之矣
太白詩遮莫枝根長百尺遮莫者猶言儘教也千寶搜
神記張華以獵犬試狐狐曰遮莫千試萬慮其能爲患
乎晉人亦用之矣孟浩然詩更道明朝不當作相期共
鬪管絃來不當作者猶言先道个不該也元稹詩隔是

身如夢頻來不爲各隔是者猶云已如此也杜牧詩至
竟薛亡爲底事至竟者猶云究竟也

古樂府碧玉破瓜時或解以爲月事初來如瓜破則見
紅潮者非也蓋將瓜縱橫破之成二八字作十六歲解
也投成式詩猶憐最小分瓜日李羣玉詩碧玉初分瓜
字年此其証矣又詩中用所由者蓋本南史沈炯傳文
帝留炯曰當勅所由相迎尊累一解以爲州縣官一解
以爲里保又和凝詩螭螭頰上訶梨子人多不解朱竹
垞曰訶梨婦女之雲肩也呂種玉言鯖云祿山爪傷楊
妃乳乃爲金訶子以掩之或云卽今之抹胸

偶讀馮益都相公集有弟明季楊左二公詩云忠魂莫
再傷寬抑今日猶能厲 聖畏下註面奉 聖祖云二
臣死于廷杖非死于獄也

相傳世有空青人無醫目其真者余未之見也惟南蘭
張天池家藏一顆石嶺趾僅寸許面帶波痕光采空靈
中伏一兔兔腹下藏銀母漿搖蕩有聲據云其先人得
自海上傳家已三世矣同年儲梅夫太史題七古云白
雲縹渺太素含波光隱現細浪蹙入水能教霞采生舟
行怕有饞龍逐 博物志龍嗜空青燕肉

海鹽馬世榮字煥如墨林觀察之祖與陸稼書先生交

好所著詩集有白生歌云白生者此精也化美男子爲
錢千秋孝廉所狎孝廉謫戍出塞白與偕行情好綢繆
後遇赦歸錢官司李白以手怕託錢求張真人用印事
破受誅乃乞錢以玉瓶裝其骨道百年後可仍還原身
事甚詭誕而馬乃理學人非誑語者情詩有百韻不能
備錄

蘇州老紅豆惠周迪先生有句云花浮小盞三投酒乳
撥深爐七品茶人疑七品當是七碗之誤余日非也金
人七品官才許飲茶事見金史惟三投酒未詳所出或
是三辰酒之訛先生有香城驛一絕云縵田乘雨破春

耕落日柴車帶犢行繞屋馬通高一尺地名還自號香城

桐城二詩人方扶南與方南塘齊名魚門愛扶南余獨愛南塘何也以其詩骨清故也扶南苦學玉溪少陵兩家反爲所累天閤性靈南塘如風定孤烟直天遙獨鳥沉因潮通估客隔葦見漁燈閨年入夏花猶在積雨逢晴草怒生皆扶南所不能至于無意懷人偏入夢未報恩門蓋再人其妙在真又清風時一來悠然復徐歇真陶詩之佳者

顧俠君先生選元百家詩夢有古衣冠者數百人拜而

謝馮杭州嚴曙聲原贈云但見三吳書板盛不知十載
選樓忙王介眉撰通鑑成而未梓儲梅夫贈云二十一
史加前明王郎鏤板胸中行

凡厥險峻山川不宜近體余遊黃山携曹震亭江鶴亭
兩詩本作印証以爲江乃巨商曹故宿學以故置江而
視曹讀之不甚慊意乃擷江詩大爲嘆賞如雨行許村
云昨朝方戒途雨阻欲無路今晨想放行開門滿晴胸
雨若拒客來晴若招客赴山靈本無心招拒詎有故又
曰非是山行剛遇雨實因自入雨中來皆有妙境雲海
云白雲削海忽平鋪三十六峯遭吞屠風帆烟艇雖不

見點點螺髻時有無一笑塵中局繒轅下駒馬不來此
登斯須垣遮瓦壓胡爲乎雲谷云領妙如悟禪搜秘等
居鷲嶺山得是法善又無全牛其心胸筆力迥異尋常
宜其隱于禺茨而能勢傾公侯晉爵方伯也卒無子年
逾六十而終嗚呼非余與交四十年又誰知其能詩哉
正喻夾寫之詩前已載數條矣茲又得黃莘田驟冷云
今日蒙茸昨絺綌炎涼只在一宵中闡乘僧團上云縱
教吹出桃花去自有山風吹送回玉雲上山行云敢云
閱歷多艱苦最好峰巒最不平

閩中鄭蘭州太守無題云此身願化催歸鳥到處逢人

苦勸歸余仿其意賀人致仕云我是嘉賓慕高隱喜人
歸勝自家歸鄭有駢體自序云羊叔子不如銅雀妓雖
近于諧卓文君得嫁馬相如尚嫌其晚

合肥才女許燕珍元夜竹枝云鰲山烟火照樓臺都把
臨街格子開椒眼竹籃呼賣藕金錢拋出繡簾來燠余
三妹素文遺稿云采鳳隨鴉已自慚終風且暴更何堪
不須更道叅軍好得嫁王郎死亦甘嗚呼班氏人物表
原有九等王凝之不過庸才中下之資若妹所適高某
者真下下也燕珍此詩可謂贊獲我心

同年錢文敏公維城在都時所居綠雲書屋陳乾齋相

國之故宅也公女浣青有詩才與婿崔君龍見弟維喬
威里莊君所管君世銘五人倡和宅有古桑綠陰鬱鬱
映一畝許視其影將逾屋則公必退朝各呈詩請政公
欣然爲甲乙之有鳴秋合韻集兩卷真公卿佳話也余
嘗戲之曰唐虞之際于斯爲盛有婦人焉四人而已諸
君詩不能備錄惟摘浣青通天臺云當塗代漢逾百年
銅人之淚流作鉛移經灞水亦傷別回頭立盡東關烟
華清宮故址云新臺之水古所耻老奴遂爲良娣死盛
衰轉眼五十年始知李嶠真才子

余甲子科從沐陽就聘南闈過燕子磯見秦秀才大士

題詩壁上有漁火真疑星例出鐘聲欲共水爭流之句
心甚異之次年奉調江寧秦以弟子禮見見贈一律中
二聯云門生半爲論文至大吏都邀作賦還玉塵清談
時善謔烏紗習氣已全刪寸月課多士拔其尤者如車
研嵩楷沈石麟龔孫枝朱本楫陳製錦及秦君等共二
十人徵歌選勝大會于徐園有伶人康某爲余所賞秦
卽席賦詩云秋雲疊歷午陰長舞袖風回桂蕊香忘是
將軍門下客公然子細看康郎一坐爲之解頤余尤愛
其遊秦淮云金粉飄零野草新女牆日夜枕寒津興亡
莫漫悲前事淮水而今尚姓秦後中狀元官學士

徐園高會時余首唱一絕諸生和者十九人龔孫枝繪
圖以記其勝掛冠後詩画俱遺失園亦荒地越四十年
有那秀才作主人葺而新之亭上對聯余題曰舊地
怕重經記當年絲竹宴諸生回頭似夢名園須得主看
此日樓臺逢哲匠著手成春

庚申在京余與襄叔度同年同車適雨獲誦其師梁仙
東大東一聯云飛雨不到地輕烟吹若塵太史名機雅
正癸卯翰林外出爲令高安相公薦鴻博入都與余相
遇於琉璃廠書肆中咏桃花云渾疑人面隱下馬悞題
門贈妓云欲作歌聲畏花落選詞先唱鎖南枝簪篸云

老去還嗟耳力退自吹羌管不聞聲沙邱云荆卿七首
漸離筑可惜不逢祖龍三十六

揚州江賓谷白首名場余每過邗江賓谷必呼子姪出
見曰余少時得見前輩某某至今夸說於人汝等不可
與隨園先生當面錯過余感其意錄其與弟蔗畦夜坐
云宵中更警嚴城柝暑退人親小室燈冬晴云剩菊尚
支苔徑賞凍蠅微觸紙牕聞咏古梅云乍見根疑石旋
驚雪作香

蔗畦名恂咏穹廬雪云穹廬雪嚼復咽羶毛已盡雪不
歇雪能冷骨不冷心十九年來覺長熱風沙大地慘無

春只有手中之節凍不折君節臣執臣不辭臣節君亮
君不知淚零紅雪吞不得洒在茂陵松柏枝蔗畦刺毫
州守徽州俱有善政所藏金石文字最多

余作春寒詩黃屋岩和云寒深疑歷煥春久沒花知何
士顯和云流細水初活花遲春轉寬

常川徐太史昂發上韓慕廬尚書云佳士姓名常在口
好官階級不關心孔霄谷贈龍明府雨樵云有意憐寒
士無心媚長官嗚呼古之人歟

丙戌三月余過京口宿茅耕亭秀才家庭宇幽邃饌飲
情妙燈下出詩稿見示余爲加墨記其佳句云隣船通

客語虛枕納潮聲千里月明天不夜五更風急海初潮
官亭道上一絕云細道繞平疇時聽農歌起回頭不見
人聲在禾麻裏未數年秀才入詞林丁酉鄉試作吾鄉
副主考

淮寧詩人黃浩浩秋柳云小驛孤城風一笛斷橋流水
路三义余曰佳則佳矣惜其似梅花詩有某公咏梅云
五尺短牆低有月一村流水寂無人或笑曰此似偷兒
詩

許竹人侍御題路上去思碑云君看去思官道石深鐫
鐫不到人心足補白太傅咏碑之所未及

壬寅春余遊西湖寓漱石居閒步斷橋遇一少年問路
愁容可掬扣其故曰我平湖秀才來遊湖上進錢塘門
行李被竊無處投宿予疑不實問既是秀才可能詩乎
曰能命咏落花操筆立就有句云入宮自訝連城價失
路偏多絕代人余大驚留宿贈金而別但記姓郁忘其
名

余苦春寒不已中州呂柏岩詩云朔風烈烈知何意不
許江春入得來張自南云春寒不逐早已去今日又從
何處來兩押來字俱妙

王中丞怨四川人號樓山過湖州感舊詩曰金山遙對

鳳凰洲築馬陸峒憶舊遊二十七年如昨日八千里外
是并州空餘大樹翻斜日尙有遺丁說故侯路過西州
秋欲老舊參軍也雪盈頭通首唐音許竹素先生爲余
誦之

余嘗謂魚門云世人所以不如古人者爲其胸中書太
少我輩所以不如古人者爲其胸中書太多昌黎云非
三代兩漢之書不敢觀亦卽此意東坡云孟襄陽詩非
不佳可惜作料少施愚山駁之云東坡詩非不佳可惜
作料多詩如人之眸子一道靈光此中着不得金屑作
料豈可在詩中求乎予頗是其言或問詩不貴典何以

少陵有讀破萬卷之說不知破字與有神三字全是教人讀書作文之法蓋破其卷取其神非囫圇用其糟粕也蠶食桑而所吐者絲非桑也蜂采花而所釀者蜜非花也讀書如喫飯善喫者長精神不善喫者生痰瘕嚴冬友曰凡詩文妙處全在於空譬如一室內人之所遊焉息焉者皆空處也若室而塞之雖金玉滿堂而無安放此身處又安見富貴之樂耶鐘不空則啞矣耳不空則聾矣范景文對床錄云李義山人日詩填砌太多嚼蠟無味若其他懷古諸作排空融化自出精神一可以爲戒一可以爲法

保屬堂待郎送人納妾七律後四句云席上偶然教進
酒燈前何敢嫌呼郎只因果識夫人性試問明朝那樣
粧

明季用兵時有女子劉素素者被掠題詩店壁云天明
吹角數聲殘將士傳呼上正鞍修德當時閨閣裏曉粧
猶怯露桃寒

宛平袁明府增字保侯率江寧時與余通譜有句云天
遠望鴉飛去鳥春寒誤盡早開花咏瓶云飲水自知胸
最冷銜花應覺口常香

先慈九十生日祝壽詩無庸自餘自享獨愛龔旭開秀

才五律一結云爲有稱觴客今朝月不扁淡而有味
杭州風俗人家作醬麩上鎖屋必書姜太公在此五字
余嘗疑之孫文和秀才笑曰君豈不知太公不能將兵
而善將將乎又過張息侯家見其奴攜燈籠來上趨賴
有此耳四字兩用史書語令人莞然

蔣戟門觀察招飲珍羞羅列忽問余曾喫我手製豆腐
乎曰未也公卽着犢鼻裙親赴廚下良久擎出果一切
盤餐盡廢因求公賜烹飪法公命向上主母如其言始
口授方歸家試作賓客咸夸毛侯園廣文調余云珍味
羣推卽令庖黎祈尤似易牙調誰知解組陶元亮爲此

曾經三折腰

南宋末年士大夫簞簞不飭有鄭熏者素作賊以軍功
得主簿衆不禮焉鄭乃獻詩云鄭熏素行本非端熏有
狂言上衆官衆官作官還作賊鄭熏作賊還作官

方亨咸論畫云神品如孫吳能品是刁斗森嚴之程
識逸品則解鞍縱臥之李將軍又曰厚不因多薄不因
少余愛其言可通于詩故錄之

唐太宗云泥龍竹馬兒童之樂也翠羽明珠婦女之樂
也余亦云急流勇退後起有人士大夫之樂也今之人
惟揚州秦西巖先生以觀察致仕子又繼入翰林其

詩之自然駘宕也南莊題壁云郭繞村烟水繞堤數椽
屋可托卑栖百年老樹留花塢二頃荒田雜菜畦
小園枝下上王珣別墅澗東西誰云巢許買山隱家在
城南認舊溪策杖登樓眼界寬邢溝上水迅奔瀛天邊
漕運梯雲上江外山光帶霧看南北塔高雙鶴立東西
橋鎖九龍蟠徒家多少風帆急孤糴何如斗室安

隨園詩話卷十四

倉山居士著

嘉興江浩然慕遊江西于市上得一銀光牋楷書云妾
年十五許嫁君聞說君情若不聞十七于歸見君面春
風乍拂心長戀爲歡半載奈離何千里江山渺綠波未
成錦字腸先斷零落胭脂淚更多西江浙江隔一水天
上銀河亦如此銀河猶有渡橋時奈妾奄奄病將死傷
心未見寧馨育仰負高堂愆莫贖倘蒙垂念舊時情有
妹長成絃可續君年喜得正英英莫更蹉跎無所成無
成豈特違親意泉下亡人亦不乎要知世事皆前定明

珠一粒遙相贈非求見物使思人結縞來世于今定後
書政可夫君康熙癸酉仲夏垂死妾顏玉斂枉玩此詩
蓋有才女子也第所謂政可者不知何人

選家選近人之詩有七病焉其借此射利通聲氣者無
論矣凡人全集各有精神必通觀之方可定去取倘摺
摭一二並非其人應選之詩管窺蠡測一病也三百篇
中貞淫正變無所不包今就一人見解之小而欲該羣
才之大于各家門戶源流並未探討以已履爲式而削
他人之足以就之二病也分唐界宋抱杜尊韓附會大
家門面而不能判別真偽採擷精華三病也動稱綱常

名教箴刺褒譏以爲非有關係者不錄不知贈芍采蘭
有何關係而聖人不刪宋儒責蔡文姬不應登列女傳
然則十七史列傳盡皆龍逢比干乎學究條規令人欲
嘔四病也貪選部頭之大以爲每省每郡必選數人遂
至勉強搜尋從寬濫錄五病也或其人才力與作者相
隔甚遠而妄爲改竄遂至點金成鐵六病也徇一己之
交情聽他人之求請七病也未一條余作詩語亦不能
免

冬友侍讀昵伶人登元將之陝西未能攜去路上見籠
中賣相思鳥者戲題云同眠復同食何處號相思

山左馮康齋觀察名延承學頗淵博居官以廉聞其夫
人爲吾鄉周叔大太史之女亦好客觀察詩云談經客
過頻搜字脫珥妻賢解治廚

丙辰召試有康熙癸巳編修雲南張月槎先生名漢年
七十餘重入詞館先生以前輩自居而丙辰翰林欲以
同年視之彼此牴牾後五十年余遊粵東飲封川邑宰
彭公竹林署中西席張旭出見詢知爲先生嫡孫急問
先生遺稿渠僅記秋夜回文一首云烟深臥閣草凝愁
冷夢驚回幾樹秋懸壁四山雲上下隔簾一水月沉浮
翩翩影落飛鴻雁皎皎光寒靜斗牛前路客歸螢點點

邊城夜火似星流余按回文詩相傳始于蘇若蘭其實
非也文心雕龍云回文所興道原爲始傳咸有回文反
覆詩温太真亦有回文詩俱在寶沼之前

真州張嘯門遊鳩江遇鄰舟一女子倚篷窗而嗽與語
悽絕不言但見其題青羅帶寄人云扁舟一夜燈如雪
無限深情羞不說東風何苦又天明抵死催人江上別
咏史有三體一借古人往事抒自己之懷抱左太冲之
咏史是也一爲隱括其事而以咏嘆出之張景陽之咏
二疏盧子諒之咏臆生是也一取對仗之巧義山之牽
牛對駐馬韋莊之無忌對莫愁是也

周月東遊海潮菴得謝文節公小方硯額鐫橋亭卜卦
硯五字背有元人程文海銘周珍重之抱硯以寢臨死
乃贈查恂叔一時題者如雲錢辛楣云眼中只有石丈
人江南更無厮養卒紀心齋云遠過一片寒陵石留伴
千秋玉帶生

尤貢甫在真州市得東坡石鈔容水升許以銅爲提鑄
茨菰葉一瓣上篆元祐二字蓋卽周種所饋東坡物也
鄭炳也題云煉石天留雲氣古煎茶人去水雲乾謝登
雋云毋矜酒戶大獨許石文深未幾有人買獻上方
矣一硯一鈔主人俱繪形作冊傳播藝林余在揚州江

魯佩家見桓圭長七寸葵首垂縹質粹沁紅真三代物
也惜無人題詠終年蘊積而藏物亦有幸有不幸焉
前明萬曆五年常熟趙文毅公劾張江陵廷杖謫戍其
友庶子許國銘兕觥爲贈蓋取神羊一角觸邪之義後
流傳數易其主五世孫王槐探知在山左顏衡齋家乃
製玉觥銀鉛託官詹翁覃溪先生作詩請易之竟得返
璧一時題詠如雲覃溪作七古一篇後八句云顏公奉
觥向君笑趙婁傾心誓相報觥喜多年逢故人叟泣還
鄉告家廟昔人贈觥事偶然今日還觥世更傳譚出兕
觥新樂府壓倒米家虹玉船

安慶徐蘭坡少年好學得余斷章零句必手抄之余遊
黃山來舟中誦所作夏夜云螢火繞籬飛風輕荷氣微
幾竿斜竹影隨月上人衣偶成云屋邊松樹經春長樓
高不知巢漸高大觀亭宴集云新舊痕留衣上酒往來
影亂席前船又綠楊深護倚樓人七字亦佳

平湖張春谷與其兄數坡最友愛數坡歿後春谷踰年
亦病臨終有清魂同到梅花下之句數坡之子熙河孝
廉繼先人之志墓旁種梅三百樹題云卜兆經營親負
土栽花愛護當承歡可謂孝矣熙河愛遊山作梅花詩
話一百卷至隨園一宿去登峨嵋絕頂見虛云茂昌句

絕天八月雪浩浩我持蒲仙節飄然上秋昊衆星向蒼
低羣峰入望小佛光日中明堊燈夜半皎五色兜羅綿
疊疊岩前繞蒼茫四顧間忽憶隨園老奇景不共賞何
以愜幽抱焉得縮地方與公立雲表熙河在裁嶠見神
燈佛光又到淨土山下觀小龍在池中長四寸五爪攜
過雷洞坪便死佛光飛至臺上掬之乃木葉一片

余知江寧時胡秀才某招飲席間出乃祖甲戌臚唱圖
屬題係邗江王雲所畫卷首何義門云鴻臚三唱名姓
香一龍驥首羣龍翔金吾仗引從天下長安門外人如
堵方山神秀信有鍾焦夫子後生胡公江左周星推首

冠意氣肯輸渴睡漢胡公名任與字芝山康熙甲戌狀
元未十年而卒同年高章之哭云十年不分君終此累
月猶疑死未真卷中題者如彭定求陳恂楊仲訥大年
追挽之章余題云九闕天門蕩蕩開 先皇親手策羣
才南宮莫訝祥雲見臣自白門江上來我亦曾追香案
踪卅科前輩企高風人間春夢醒何速未了浮雲一夢
中名園晚到夕陽斜老樹無聲覆落花贏得兒童齊拍
手縣官還醉狀元家此乙丑冬月事也詩不留稿丙午
閏七夕重展此卷爲之憮然

葉書山侍講常爲余誇陶京山同年之孫名煥悅者其

異不羣時才八九歲稍長好吟詩尤好余詩大半成誦
偶成云午課初完臥短牀立春節過晝微長高簷向日
難留雪小室藏花易貯香階下綠初浮遠草路旁青未
上垂楊呼僮添貯爐中火午後溫馨薄暮涼又人因待
月窗常啟書是傳詩口不對賀余生子云公有未全天
必補老猶得見子非遲俱有劔南風味惜待請洗亡未
之見也

中州呂公滋字樹村宰介休歸因從子仲篤宰上元來
遊白下見贈云地兼白下三山勝詩比黃初七子工讀
三妹集云鴛鳥飛來因繡好蠹魚仙去為香多年未老

而乞病有勸其再出者乃作老女嫁云自製羅紉五色
裳晶簾低捲繡鴛鴦不如小妹于歸日阿母殷勤爲理
粧檢點新粧轉自思于今花樣不相宜嫁衣肥瘦憑誰
翦羞問鄰家小女兒戲仲篤云憐余增馬齒看爾奏牛
刀潼關云三峰天外立一騎雨中行

唐李揆自負才望嘲人云龍章鳳姿士不見用獐頭鼠
目乃欲求官耶或反其意贈相士云相法于今大不倫
我將秘訣告諸君要看世上公侯相先取獐頭鼠目人
余遊武夷過浦城遇鈕明府之弟閻圃有詩三冊求閱
七夕云黃昏無伴說牽牛獨對江山半壁愁今夕盧家

樓上月莫愁未必不知愁又句云星沉殘月魚吞餌月上空廊犬吠花皆可誦也余按朱曾三異云莫愁乃古男子神仙隱逸者流非女子也楚石城有莫愁石像男子衣冠見劉向列仙傳語雖不經亦可存此一說猶之龍陽君鄭櫻桃古皆以爲女妃一見國策鮑註一見十六國春秋

錫山錢秀才詠字立羣居梅里丙午臘月七日張止原居士招遊靈岩與秀才兩宿舟中談古文金石之學極淵博遊西湖云十年不識錢唐路今到翻疑是夢中巒翠難分南北寺舟輕易颺往來風數灣碧水通仙宅一

帶蒼烟沒朱宮何處吾家表忠觀幾回搔首問漁翁躍
馬登山松四圍梵王宮殿鬱崔巍老僧迎客來幽逕少
女焚香上翠微鷲嶺樓高滄海濶冷泉水急濕雲飛何
當端坐三生石說破遊人去路非是日舟泊木瀆鷺飛
橋秀才往訪其友孫鏡川俄而同至舟中見余卽拜背
小倉山房古文琅琅上口亦奇士也

新安王氏一家能詩葑亭李夫人歌曰生能一顧留君
心死不肯一顧留君憶乃知結君自有術擅寵非徒在
顏色君不見生長門死鉤弋其兄于庭比部不輕作詩
而多佳句病起云修竹似憐人病起青青垂葉不搖風

示兒云寸陰勸汝須知惜到底秋花總讓春其子名養
中者醉歸去不是老奴扶住好模糊幾打別人門咏蝦
云鬚髯似戟雙睛瞪失水蛟龍見亦驚其弟孔祥年十
七亦有句云見月忙將蒲扇掩怕教花影上身來

荆楚歲時紀以七月八日雨爲洒淚雨說本荒唐然賦
詩非失之笨使失之迂將錯就錯以僞爲真方有風味
一說煞味又索然余與香亭同作忽王甥健菴有句云
不解女牛分別意一年有淚一年無兩人嘆其超絕

馬相如有漁父詩云自把長竿後生涯卽水涯尺鱗堪
易酒一葉便爲家晒網炊烟起停舟月影斜不爭魚得

陸康詩話
失只愛傍桃花真王孟也有人傳其月影分明三李白
水光蕩漾百東坡則弄巧而反拙矣

福建布政使張廷枚有瓶花絕句云垂簾莫放西風入
留取寒香在草堂吾鄉詩人沈方舟主於其家遺稿在
焉張三使高麗杭董浦贈云一參羽獵長楊乘三繪宣
河奉使圖

咏始皇者朱排山先生云詩書何苦遭焚劫劉項都非
識字人崔念陵進士云劉項生長長城裏枉用民膏築
萬里

劉介石請仙

大書云眼如魚目徹宵懸心似柳

條終日掛月明風緊十三樓獨自上來獨自下衆人驚
曰此謚鬼詩也至夜果有紅妝女子犯之乃急毀其盤
而遷寓焉

寫懷假托閨情最蘊藉仲燭亭在杭州余屢爲薦館最
後將薦往燕湖札問需修金若干仲不答但寄古樂府
云託買吳綾束何須問短長妾身君慣抱尺寸細思量
宋笠田宰鳩江官罷想捐復余勸其不必再出山已而
宰兩當以事謫成悔不聽余言亦札外寄前人別妓詩
云昨日笙歌宴畫樓今宵揮泪送行舟當時嫁作商人
婦無此天涯一段愁某明府欲聘陳楚南以路遠不次

陳寄商婦怨云淚滴門前江水滿眼穿天際孤帆斷只在郎心歸不歸不在郎行遠不遠

鮑步江有贈云雙烟已換博山香正對金荷卸晚妝手剔蘭煤須仔細好留半醺解衣裳

安慶魯鳳藻有贈云攜得芳枝返故村悔將玉貌共花論低聲還向小姑囑阿母跟前莫要言陳夢湘嘲某云
畫鸞衫子褪輕紅料峭春寒豆蔻風雙鬢亂雲堆未穩
日暮猶是背人攏商寶意喜環娘到云藥餌急須調病
自解燈前金台衡贈妓云春葱欲送玫瑰酒
冷煖先教櫻口膏皆善言兒女之情

寫景有句同而意不同者元人云石壓笋斜出宋人云
斷橋斜取路近人劉春池云鳥喧晴樹樂于人魯星村
云炎天几席熟于人嘯村云雪中無陋巷星村云遠岸
無高樹皆句同而意不同也亦有句不同而意同者如
岸濶樹難高遠樹浪頭生與遠岸無高樹意思相同皆
不害其爲佳也

余有句云人無風趣官多貴一時不得對周青愿對案
有琴書家必貧吳元禮對花太嬌紅子必稀

雍正乙卯春余年二十與周蘭坡先生同試博學鴻詞
于杭州制府其時主試者總督程公元章學使帥公念

祖詩題是春雪十二韻因試日下雪故也先生有句云
堆從梨蕊銷難辨迸入梅花認亦稀今乾隆戊申矣其
孫雲翮爲上海令招余入署謀刻先生詩集因得重讀
一過追憶五十四年前同試光景宛然在目

余方送魯星村出門而雨勢將下魯吟云雨聲猶在雲
風色已到樹余爲擊節命司閽者錄登門簿中魯曰我
不料公之愛詩若此也大笑去

余泊舟滕王閣下有揚州孫生名湘者見訪自言相慕
垂三十年見示蕉窗八咏蠅云飛揚莫入幽人室一種
芬芳不稱君蝶云偶因悞墮金錢劫恥逐青蚨一處飛

孫故庠生工吟咏爲人司馬筭事旣而悔之故寄托如此

余在南昌謝蘊山太守招飲以詩見示題其妾姚秀英小照云宜男花小最宜春故相偎意態真併作一身形與影不應僅號比肩人太守有升官圖五排最佳警句云森森羅衆宿粲粲列周廬考制遵三百登賢占一隅憑陵爭入局將相遂分途唾手功名得推班氣象殊握拳矜後獲制勝在中樞偶爾觀成敗從何論智愚雲泥區尺幅升降在須臾

余七十以後遇宴飲太飽夜輒不適讀黃莘田詩曰老

似嬰兒防飲食貧如禁體作文章嘆其立言之妙然不老亦不能知古漁有句云老似名山到始知

譏刺語用比興體便不露英夢堂云桃花嗜笑非無故燕子矜飛大自輕陳古漁云無名草長非關雨得煖蟲飛不待春皆有所指也

余遊天台詩人張雨村外出其子秀埤極盡東道之誼兩村寄詩有千山結翠延詞客一杖挑雲過石梁之句余讀其天台遊稿一路訪求如得導師焉

李竹溪守廣東惠州歸贈云此行曾向貪泉過留得冰心見故人嗚呼竹溪真能不唯此言故記之

嚴冬有常誦厲太鴻感舊云朱欄今已朽何況倚欄人
可謂情深余曰此有所本也歐陽詹懷妓云高城不可
見何況城中人或稱東坡凍合玉樓寒起粟光搖銀海
炫生花余曰此亦有所本也晚唐裴說詩瘦肌寒起粟
病眼餒生花

錢竹初題豫讓橋云愛士須愛徹畜馬盡馬力長芻數
束豆數升縱有華駟氣先塞余亦題養馬圖云一挑芻
草三升豆莫想神龍輕死生

近人懷古詩有絕佳者不能全錄如光祿沈子大赤壁
云漫訝東風燒北岸可知赤帝在南軍太史杜紫綸戲

馬臺云儘教宿土歸劉氏剩有斯臺與項王王麟照侍
郎平原村云八王兵甲無臣主兩晉文章有弟兄晚節
不堪思鶴唳舊交聞已賦尊羹姜西溟烏江詩云虞歌
曲盡怨天亡潮落沙平舊戰場千里江東羞不渡六朝
曾此作金湯

漢軍劉觀察廷璣號葛莊康熙間詩人或嫌其詩過輕
俏然一片性靈不可磨滅漁家云一家一个打魚舟結
得姻盟水上浮有女十三郎十五朝朝相見只低頭偶
成云閒花只好閒中看一折歸來便不鮮

沈叔園太史所居爛蕪衙衙接蕩亭湯西屋少宰之故

居也丁巳余主其家記其秋夜云薄病側身坐小廳
心三度見流螢水雲涼到庭前樹一夜秋聲帶雨聽
布衣史青溪詩云多情自古空餘恨好夢由來最易醒
余反其意云只求無好夢轉覺醒時安唐人咏夢云乍
覺猶言是沉思始覺空

宋牧仲撫蘇州爲唐六如修墓韓宗伯慕盧題云在昔
唐衢常慟吳祇今宋玉與招魂俗傳太白捉月而死李
季青題太白樓云脫身依舊歸仙去撒手還將月放回
余按宋史有唐寅名伯虎亦在文苑傳

蒲城雷國禡字松舟撰龍山詩話二卷官松江丞有雲

行花蕩水風動草浮山之句彭芝亭先生贈以詩云官
閣哦詩思不羣一編風雅抗吾軍情親吳會山間友身
帶函關馬上雲弔古頻懷楊伯起論詩應繼杜司勛篋
中劍氣雙龍躍那向江頭看夕曛

凡詩帶桀鷲之氣其人必非良士張元咏雪云戰罷玉
龍三百萬敗鱗殘甲滿天飛咏鷹云有心待捉月中兔
更向白雲高處飛韓范爲經畧嫌其投詩自媒棄而不
用張乃投元昊爲中國患後岳武穆駐兵之所江禁甚
嚴有毛國英者投詩云鐵鎖沉沉截碧江風旗獵獵駐
危檣禹門縱使高千尺放過蛟龍也不妨岳公笑曰此

張元輩也速召見以禮接之

咏雪佳句繆雪莊云捲簾半樹帶花落吹燭一窗如月
明章智千云伏枕旅人驚看月掃階童子學爲山陳明
卿云填乎世上嶽崎路冷到人間富貴家皆昔人所未
有遊山詩貴寫得出陶廷珍盤豆驛云叢山如破衣人
似亂絲縫盤旋一綫中欲速不得縱沈石田天乎山云
登臨風扶身談笑雲入口直上忽左旋方塞復旁剖洪
稚存林屋洞云盤渦既深入覆釜不獲仰微白怵來踪
捫黑撼虛象憑湍同矢拄轉運識蠹柱不惜口耳濡驚
此腹背響梅村極樂峰云碎石隨足動危逕不容步支

筠愁孤撐捫葛等懸度欲止勢難留將前意終怖萬石
坡盤山云青山喜客來馬首相拱揖中峰極雲深旁嶺
儼魚立行人踏樹梢飛鳥觸屐齒後來用尾銜先到試
足揣宗介颯磨盤山云分明尋丈恰隔里指點乎夷偏
落陡東西俄轉望若失呼應已逼待還久中央簇簇攢
牛宮四角層層布魚筍更疑去路卽來處幾訝迷途欲
退走入世敢云肱折三立峰頓覺腸回九沈樹本磨盤
山云回顧不見入山處此身已在盤中往百千旋折眼
生花三五迴環神失據纔思左往復右行正欲仰登先
俯注坡平幸獲尋丈寬徑仄只留分寸度鞭絲帽影蟻

懸窗馬足車輪蛇繞樹乍陰乍陽日向背在前在後風
來去山遠不踰三十里山高不越萬餘步從卯到酉歷
未窮自壯至老涉猶誤

余常勸作詩者莫輕作七古何也恐力小而任重如秦
武王舉鼎有絕膺之患故也七古中長短句尤不可輕
作何也古樂府音節無定而恰有定恐康崑侖彈琴三
分琵琶七分箏絃全無琴韻故也初學詩當先學古風
次學近體則其勢易倘先學近體再學古風則其勢難
猶之學字者先學楷書後學行草亦是一定之法杭董
浦先生教人多作五排曰五排要對仗不得不用心思

要典雅不得不觀書史但專作五言八韻之賦得體則終身無進境矣

湯擴祖春雨云一夜聲喧客夢搖春風送雨夜瀟瀟不知新水添多少漁艇都撐進板橋莊廷延聽雨云梅花風裏雨霏霏人臥空堂靜掩扉一夜滄浪亭畔水料應陡沒釣魚磯二詩相似均有天趣

有中丞某自稱平生不好名余戲之曰人之所以異于禽獸者以其好名也孔子曰君子去仁惡乎成名又曰君子疾沒世而名不稱焉大聖人尙且重名如此後世人不好名而別有所好則鄙夫事君無所不至矣屈悔

翁云才子多貪色神仙不好名不如司空表聖曰名能
不朽輕仙骨理到忘機近佛心高東井贈方子雲曰從
來貧士貪留客未有庸人解好名

王次回詩在往入人心脾余年衰無子賓朋來者動以
此事相詢貌爲闕切余深厭之有詩云厭聽人詢得子
無些些小事不關渠逍遙公有兒孫累未必雲烟得自
如後見次回句云最是厭人當面問鳳凰何日却將雛
余評女以膚如凝脂爲主次回亦有句曰從來國色玉
光寒晝視常疑月下看

愛日齋叢談云琵琶記爲明初王四棄妻而作太祖惡

之謫戍海外致伯喈賢者蒙此惡聲不知南宋時有詩
刺高宗云陌頭盲女無愁恨猶抱琵琶說趙家放翁亦
云身後是非誰管得沿村聽唱蔡中郎似乎琵琶記宋
時已作

厲太鴻宋詩紀事採取最博余閱北盟會編爲補所未
採者如徽宗在五國城詩曰噬臍有愧平燕日嘗膽無
忘在莒時李若水曰五鼓可回千里夢一官妨盡百年
身宇文虛中云傳聞已築西河館自許能肥北地羊皆
佳句也金主亮中秋無月詞云恨劒鋒不快一一揮斷
紫雲根要見嫦娥體態亦頗豪氣逼人

作詩能速不能遲亦是才人一病心餘賀熊滌齋重赴
瓊林云昔着官袍夸美秀今披鶴氅見精神余曰熊公
美秀時君未生何由知之赴瓊林不披鶴氅也心餘曰
我明知率筆然不能再構思先生何不作以示我余唯
唯遲半月成七絕句心餘以爲佳余乃出籠中廢紙示
之曰已七易稿矣心餘嘆曰吾今日方知先生吟詩刻
苦如是果然第七回稿勝五六次之稿也余因有句云
事從知悔方徵學詩到能遲轉是才

黃莘田重赴鹿鳴云得染新香本舊栽桂花重爲故人
開月官不是元都觀也學劉郎去又來雲階月地事如

何誰共覓寰味大羅未免被他猿鶴怨小山連日有笙歌

全唐詩凡和尚道士仙人都無好詩不如才鬼山魃却有佳句

詩人筆太豪健往往短于言情好徵典者病亦相同卽如悼亡詩必纏綿婉轉方稱合作東坡之哭朝雲味同嚼蠟筆能剛而不能柔故也阮亭之悼亡妻浮言滿紙詞太文而意轉隱故也近時杭董浦太史悼亡妾詩遠不如樊榭先生今摘數首爲比例厲吳月上云一場短夢七年過往事分明觸緒多搦管自稱詩弟子散花相

伴病維摩半屏涼影頰低髻三徑春風曳溥羅今日書
堂覓行跡不禁雙髻爲伊皤無端風信到梅邊誰道蛾
眉不復全雙槩來時人似玉一隱去後月如烟第三自
比清溪妹最小相逢白石仙十二碧欄重倚徧那堪腸
斷數華年病來倚枕坐秋宵聽徹江城漏點遙薄命已
知因藥誤殘粧不惜帶愁描悶憑盲女彈詞話危托尼
姘祝夢妖幾度氣絲先訣別淚痕兼雨灑芭蕉郎主年
年耐薄游片帆望盡海西頭將歸預想迎門笑欲別俄
成滿鏡愁消渴頻煩供茗椀怕寒重與埋薰篝春來憔悴
看如此一臥楓根尙憶否廖古檀悼亡云合歡花辦

委輕塵風雨邊城不見春
苦憶小窗扶病起
脂殘粉褪寫遺真
商寶意哭環娘
云待年畧住娉婷市
却聘會嫌富貴家
還余清淨三生體
欠汝滂沱淚數行
寶山黃燮鼎悼亡云
無多奠酒諧卿量
未就埋香諒我貧
皆言情

絕調

董浦先生詩以嶺南集爲生平極盛之作
題陳元孝遺像
云南村晉處士
汐社宋遺民
湖海歸來客
乾坤定後身
竹堂吟莫雨
山鬼哭蕭晨
莫向匡門去
霜風正撲人
秋井苔花漬
荒廬蜃氣蒸
飛潛兩難問
憂患况相仍
拄策非關老
裁衣祇學僧
淒涼懷古意
豈是屈梁能
巢覆

仍完卯皇天本至公藝我篇久廢薇蕨採應空劫已歸
龍漢家猶祭鬼雄等身遺著在泉下告而翁袁粲能無
傳嵇康亦有見古人誰汝匹信史豈吾欺寂寞徒看畫
蒼涼祇益詩懷賢兼論世淒絕卷還時此種詩悲涼雄
壯恐又非樊榭寶意所能矣

金陵何南園陳古漁俱能詩而貧余不能資助常誦唐
人句云相知惟我獨無補與人同又自訟云蘭草同心
多半弱海棠自恨不能香

詩者人之精神也人老則精神衰蕙往往多頽唐浮泛
之詞香山放翁尙且不免而况後人乎故余有句云鷺

老莫調舌人老莫作詩

勸人知足者杭州汪積山先生有句云盈虛物理都如許那有東餐宿又西楚中戴喻讓孝廉有句云天地猶憾堯舜病人生何必爲其盡二意相同而俱足以醒世戴屢赴禮闈不第歸顏其室曰佳士軒人問君自命爲佳士乎曰非也佳字不成進字爲欠一走耳

本朝高文良公詩爲勛業所掩不知一代作手直駕新城而上如值夜云一驀新寒雨後生官槐黃葉下童城意中故國偏無夢風裏銀河似有聲萬馬夜嘶秋待獵一封宵奏遠論兵杞人孤坐聽殘角落月光中太白明

其他佳句雄壯則宴罷白沈千帳月獵回紅上六街燈
自在騎牛今監子苦辛逐鹿昔英雄奇警則風驛閒同
山魅語鬼燈紅出寺門遊萬點城烏驚曙鼓一壚村酒
閃風燈綿麗則白蘋風細魚苗長紅杏花深燕子低老
樹無花三月半舊遊如夢六年餘委婉則白月無聲秋
漏永紅燈有影夜樓深天涯旧旧思歸口覺有歸期日
倍長淡宕則長河暫伏潛仍出高嶺遙看到恰平才穿
雲過捫衣潤欲覓詩行任馬遲至于東南生意偕誰計
數仰江雲掉白頭則又大臣報國憂民深情若揭矣
本朝賞花翎黃馬褂最難着筆公詩云冠飄孔翠天風

細衣染鷲黃御氣濃莊雅獨絕

望海詩朱草衣云地影全無着天形轉不高沈子大云
天水無邊孤月在魚龍欲起大風生王次岳云曉傳鼉
吼占風起夕閃魚睛訝日生江舟次云萬里全憑針作
路六時只見浪搖天

詩文之道全關天分聰穎之人一指便悟霞裳初見余
時呈詩十餘首余不忍拂其意盡粘壁上渠亦色喜遂
同遊天台一路唱和恰無一言及其前所呈詩也在反
兩月霞裳歸家急奔園中取壁上詩撕毀摧燒之對余
大笑余亦戲作桓宣武語曰可見可見

蘇州汪端揆秀才與婢小珠有情咏秋海棠云海棠花
嫩不禁秋小朵含烟月下愁記得舊時庭院裏憑人看
殺只垂頭

陳魯齋太守夢人贈句云夢回碧落三千里筆煬銀洵
十二時醒後不解後守端州卒於亥年十二時亥也碧
落山在端州

余幼咏懷云每飯不忘惟竹帛立名最小是文章先師
嘉其有志中年見查他山贈田間先生云語雜詼諧皆
典故老傳著述豈初心近見趙雲松和錢嶼沙先生云
前程碧海雙蓬影末路英雄一卷書皆同此意

洪素人朴性冷官京師獨與陳梅岑最厚督學華中尚
詩云三十六湖湖水清使君鑒此自分明琉璃匣匣生
花筆詩爲懷人倍有情洪在部時某相國問汝向人說
我剛愎自用有之乎曰然相國怒曰汝是我門生乃謗
我洪謝曰老師只有一愎字何曾有剛字門生因師生
故妄加一剛字耳

尹氏昆季皆能詩而推三郎兩峰爲最一日文端公退
朝召兩峰曰今日我憊矣以皇上命和春雨詩我不及
作汝速擬一稿我明早要帶去兩峰構成送上公已酣
寢黎明公盛服將朝諸公子侍立階下兩峰懦懦慮有

嗔喝忽見公向之拱手曰拜服拜服不料汝詩大好回頭呼婢曰速煨我所喫蓮子與三哥兒喫兩峰大喜過望四公子樹齋笑曰我今日却又得一詩題諸公子問何題曰見人喫蓮子有感

兩峰名慶玉

如臯布衣江千字黃竹貌陋家寒咏疲驢云落葉踏不碎四蹄今可知咏巢云草窮一生力風碎五更心圓影月中墮凍痕霜外深登大觀臺云殘夜海明知月上隔江風遠送鐘來又飄琴何地託孤踪古佛門空或見容俱有孟郊風味

余遊天台諸寺僧多撞鐘鼓請余禮佛余不奈煩書扇

示之云逢僧我必揖見佛我不拜拜佛佛無知揖僧僧
現在王夢樓見之笑曰君不好佛而所言往往有佛意
陳梅岑贈朱竹君云遊山靈運常攜客闕佛昌黎也愛
僧

杭州應仔傳秀才過弋陽云沙清魚上晚春冷燕來稀
郊外云斷崖殘照晚將入隔岸野風波欲秋

余赴廣東過鳩江適梅岑官其地與之別揚帆二十里
矣梅岑遣人追送肴烝剪江而至余詩謝云遠記荒江
酒一尊一帆穿破水雲奔蛟龍知是先生饌白浪如山
不敢吞霞裳亦謝云羹調金屋裏香入浪花中

唐荆川云詩文帶富貴氣者便不佳余道不然金檜門
總憲郊西柳枝云西直門邊柳萬枝含烟帶露拂旌旗
長是至 尊臨幸地世間離別不知程午橋太史菊
屏云低枝芬馥當書幌細蕊離披近筆牀六曲屏風花
萬盞人間何處五更霜兩絕句俱富貴何嘗不佳又記
朱入富貴詩曰踏青駙馬未還家公主傳宣賜早茶十
二闌干春似海隔窗閒殺碧桃花畫燭燒闌煖復迷殿
帷深鎖下銀泥開門欲作侵晨散已是明朝日向西干
官已醉猶教坐百戲皆呈未放休共看拜恩侵曉出金
吾不敢問來由

趙雲松觀察謂余曰我本欲占人間第一流而無如總
作第三人蓋雲松卒已採花尚于詩只推服心餘與隨
園故也雲松才氣橫絕一代獨主夢樓不以爲然嘗謂
余云佛家重整法眼藏不重神通心餘雲松詩專顯神
通非正法眼藏惟隨園能兼二義故我獨頭低而彼二
公亦心折也余有愧其言然吾鄉錢璵沙前輩讀甄北
集而奇賞之寄以詩云忽墮文星下斗台聲華藉藉冠
蓬萊採花春看長安徧投筆身從絕域回風雅名誰爭
後世乾坤我欲妬斯才登壇老將推袁久不道重逢大
敵來

常州楊青望南澗晚歸云嶽寺風聲起暮鐘殘陽歸去
興尤濃停車欲認登臨處忘却西南第幾峰陳郁庭造
假山云歷盡嶙峋興愈濃歸來猶自憶芙蓉階前疊石
呼童問認是曾遊第幾峰兩首相似俱有羚羊挂角之
意

癸未 聖駕南巡尹太保欲覓任書記者莊念農太守
薦其族弟所尹公甚重之亡何試京兆不第趙雲松送
行云科因一士關輕重迹有羣公問去留想見在都文
名之盛其子伯鴻有父風咏簾鉤云待引春雲入檻不
高懸畫閣結青樓心通恨隔玲瓏望腕弱憐將荔苑收

多宛轉時能約束未團圓處好勾留漫言眼底除牽挂
故下依然萬縷愁

郭秀才麟彭城中秋云西風聯袂鹿城秋舊侶偕行話
舊遊羅襪雙鈎人半臂夜深誰立板橋頭詩非不幽豔
而覺有鬼氣吳竹橋法源寺云街頭日仄漸風沙步履
閒尋古寺花一樹綠陰兩黃鳥春深門巷是誰家同一
風調恰是人間光景

名士氣習多傲兀惟錫山之顧立方進士嘉定之李書
田孝廉恂恂訥訥慮以下人顧不雨嘆云外河水淺今
成溝內河水涸今成邱螺蚌紛紛雜瓦石童稚踏歌橋

下遊大船抽却舵小船沙上過長年袖手篙師餓估客
篷窗三月坐清晨婦子喜濃雲在天雨至矣雨不來風
颺颺先訛作鳥尾後渙作魚鱗六龍躍出光陸離初不
雨夕不雨老農低頭淚如雨浮雲閒閒自來去安得儂
家稻多于原上草有雨固佳晴亦好安得儂家田生近
滄海邊朝潮暮汐高于天無水不可車有稻不可割路
逢一士大笑樂先世薄田今賣却李見贈云一百八十
八畝士只有先生最少年風雅偏能兼樂壽聰明直欲
傲神仙官如抱樸懷勾漏人指棲霞作洞天若使懸車
須此歲轉因簪笏誤林泉

某書折蘭小照求題七古余曉之曰蘭爲幽靜之花七古乃沈雄之作考鐘鼓以享幽人與題不稱若必以多爲貴則須知米豆于麤不若明珠一粒也乃儉雜弄不如老僧之才鐵殺人也世充萬言何如阮咸三語成王冠周公使祝雍作祝詞曰達而勿多也此貴少之証也若夫謝文雖繁不可刪王濟雖少不能益則各極其妙亦在相題行事耳唐人句云藥靈丸不大棋妙子無多或問如先生言簡固佳乎余曰是又不可以有意爲也宋子京修唐書有意爲簡遂硬割字句幾于文理不通顧寧人摘出數條余摘百十餘條載隨筆中

人言黃鶴樓無佳對惟魯亮儕觀察一聯云到來徑欲
凌風去吟罷還思借笛吹差勝魯星村云凌風二字改
乘雲二字更佳

文字之交有無端而契合者殆佛家之所謂緣耶乙酉
秋試四方之士來修士相見禮者甚多予答拜章姓誤
投刺于張秀才處張大驚次日來答見其儀容秀整遂
招飲之張贈詩云儻得灑江小屋居敢將踪跡混樵漁
平生不識金閨彥剝啄無端到敝廬籃輿款款赴清涼
夾路松花間稻香一院青山人不見飛來嵐翠滿衣裳
折柬招邀酌舊醅主人原是揆天才兩江月旦歸名士

又報文星入座來

時梁階平先生適至

霓裳曲度廣寒宮
鑑檻銀

燈照碧空夜半酒闌星斗醉
天風吹墮小池中
秀才名

邦弼蘇州人

河東君藏一唐鏡背銘云照日菱花出
臨池滿月生官
看巾帽整妾眼點妝成
查他山金陵雜咏刺之云宗伯
奩清世莫知菱花初照月
臨池點粧巾帽俱新樣
不用
喧傳鏡背詞

詩以進一步為佳杜門懸車高尙也而張寶臣致仕云
門為看山寧用杜車還駕鹿不須懸別離苦事也而黃
石牧送別冊子云一度送行傳一畫人生那厭別離多

寄衣古曲也而盛青賦出門云檢點篋中裘葛具早知
別後寄衣難打起黃鸝而兒懼驚夢也而朱受新春鶯云
任爾樓頭啼曉雨美人夢已到漁陽

春學士臺常言其門人謝又紹侍郎乞病養母人問何
不奏終養而奏病耶曰爲人子養可也聞終字便傷心
耳其憶母詩云兒來前自堯經今凡幾年兒可記自堯
經今凡幾年兒時應對稍逡巡母怒變色旋喝嗔陳篋
遜志學人責稽古胡不如婦人吁嗟母言在耳兒顏猶
泚安得吾母常嗔兒常泚于今勸學無聞矣嗚呼今上
大夫溺于時文之學談及史鑑竅如充耳讀先生詩能

無忤乎先生名道承福建晉安人

解中發秀才館尹文端公家一日鮑雅堂來訪見十四
公子慶保問年幾何曰十四歲鮑戲出對云十四世兄
年十四解應聲曰三千弟子路三千杭州沈既堂在高
相公署中公出對云可能子面如吾面沈應聲曰未必
他心卽我心

永安寺壁上有梅田女史題詩云靈妃齊駕玉龍回留
得清陰滿綠苔來歲春風一相待囊琴便約懶仙來所云

懶仙不
知何人

金姬小妹鳳齡幼鸞吳門作婢余爲贖歸年十四矣明

眸巧笑其姊勸留爲簪室鳳齡意亦欣然余自傷年老
不欲爲枯楊之梯因別嫁隋氏爲大妻所虐雉經而亡
祭哭以詩一時和者甚多新安巴雋堂中翰云粉蛾貼
幃塵沾幕綽約佳人嗟命薄惱鴉打鳳海難填桃葉離
根淚珠落在事泥中善說詩吳音嬌軟含春姿因情割
愛反成悔締非其偶尤堪悲鴛材詎足親仙骨獅子何
曾憐委髮風傳柑果味全殊雨暗合歡花不發鋤蘭門
內影玲瓏傷哉逝水難歸瓶芳魂仍返倉山早虛廊簸
簸鳴幽篠

楊蓉裳亦有鳳齡曲去汝南太守人中傑文采風流世

無敵羊偏筵前舞袖圍馬融帳外金釵列我是彭宣到
後庭隔幃絲竹許同聽酒酣振觸平生事向我低徊說
鳳齡風齡本是蘇臺女貧向豪家傍門戶牙郎那解惜
娉婷寵妾由來耐辛苦攜出淤泥一瓣蓮青衣乍脫便
登仙漫拈郭璞三升豆判費初明十萬錢關情三五韶
年紀遁髮初齊試羅綺碧玉嬌癡未有夫桃根宛轉長
依姊愛惜盈盈掌上身恐教辜負永豐春誰言絡秀堪
同老願把西施別贈人堂前文讌多賓從隋郎風貌偏
殊衆照影人誇城北徐嬉春女愛牆東宋珍偶相看已
自成許將紅粉嫁書生重重錦幔憑私語叩叩香囊易

定情蘭期初七銀河度啼痕滿面登車去從此茫茫萬
劫塵回頭迷却仙山路銅街別館貯嬌姿蹤跡難教大
婦知綃帳香濃檀枕煖一絢絲絡幾多時宜城郡王威
名重搜牢驚破巫雲夢浪說王家九錫文短轅長柄成
何用架上拋殘金縷衣篋中奪去紫鸞篋粉痕狼籍雲
髮卸扶入車中不敢啼檀郎隔絕無由見秋雨秋風閉
空院九轉柔腸對暗燈千行愁淚吟團扇絕粒非關愛
細腰典衣何計度寒宵膚凝寒玉心還熱口嚼紅霞怨
不銷忍苦含辛經半載九死窮泉更何悔只是難忘舊
主恩留將一綫殘魂待更念同根兩地分蘭幃應亦痛

離羣一朝噩夢花辭樹百種癡情泥憶雲誰知路比蓬

山峻更無青鳥通芳訊繡幃頻迎那許還黃柑遙贈知

無分

二句用
本事

絮果蘭因去住難揀將弱息自摧殘腰間

三尺冰文練百轉千回掩淚看黃昏人靜重門閉逡巡

竟向南枝繫紅蠟纔灰輾轉心冰蠶永斷纏綿意鬱鬱

理香土一杯長干西去板橋頭空林鴉語三生恨幽壙

螢飛獨夜愁浮花浪蕊消彈指畢竟韶顏為誰死殺粉

親書墮淚碑燃脂好續傷心史只悔當初作鴟媒生將

珠玉委蒿萊縱教採盡中州鐵鑄錯無成劇可哀洪稚

存嫌裴裳詩多肉少骨余曰張燕公評許景先豐肌膩

理惜乏風骨李華文詞綿麗氣少雄傑朱子景亦云恃
華者質少好麗者壯違人各有性之所近也蓉裳年十
六卽來受業爲余註四六文方半而出宰甘肅矣與陳
梅岑皆翰林才而困于風塵俗吏亦奇

斷句入耳有終身不能忘者言情則周蘭坡送別云臨
行一把相思淚當作珍珠送故人寫景則周起渭西湖
云若把西湖比明月湖心亭是廣寒宮寄托則朱贊皇
咏牡丹云漫道此花真富貴有誰來看未開時感慨則
徐方虎贈昌辟疆云人逢滄海遺民少語聽開元舊事

多

人必先有芬芳排側之懷而後有沉鬱頓挫之作人但知杜少陵每飯不忘君而不知其于友朋弟妹夫妻兒女間何在不一往情深耶觀其冒不韙以救房公感一宿而頌孫宰要鄭虔于泉路招李白于匡山此種風義可以與可以觀矣後人無杜之性情學杜之風格抑未也蔣心餘讀陳梅岑詩贈云一代高才有情者繼袁夫子是東君

何義門曰馮氏遠誦熟觀義山詩可免江西粗俗槎枒之病余謂熟觀義山詩兼悟西崑之失西崑只是雕飾字句無義山之高情遠識卽文從字順猶有間也

彭尺木進士爲大司馬芝亭先生之子生長華腴而湛
深禪理中年卽茹素與夫人別屋而居每朔望卽相勗
曰大家努力修行彼此一見而已後閉關西湖恰不廢
吟咏嘗作錢唐旅舍雜句云處士當年百不營偏于梅
鶴劇多情梅枯鶴去人何在冷徹孤亭月四更結趺終
夕復終朝眼底空華瞥地消尙有閒情消不得起尋松
子當香燒酸齋薄粥少人陪雪霽南窗晝懶開不是一
枝梅破萼阿誰與我報春回病起云簾深蠅自迸花盡
蝶無營皆見道之言不著人間煙火

龍鐸字震升號雨樵宛平己卯舉人十二歲時杭州老

宿朱桂亭先生命卽席賦瓜子皮應聲曰玉芽已褪空
餘殼纖手初拋乍有聲莫道東陵無托意中間黑白儘
分明朱歎曰此子將來必以詩名觀魚云子不知魚樂
君其問水濱題畫云亂泉尋石竇歸霧斷山腰贈友云
篷轉三年雨蘭言一夕秋皆少作也後幸吳江余掃墓
杭州必過其署美餽橫列如入護世城中豪氣飛騰勝
坐元龍牀上洵風塵中一奇士也

小伶鳳珠善歌能解人意雨樵卽席賦浣溪沙以鳳珠
可見爲韻詞云彩雲么夢何處飛來紅玉鳳笑倩人扶
一曲梁州一斛珠眉歡目安教人坐立如何可偏解相

思學語雛鷺小意見

康熙間汪東山先生繹精星學桐城吳貢生某以女命與算汪云此一品夫人命也但必須作妾吳愕然怒以爲輕已汪曰我早知君之必怒也然君不信我言請待我某科中狀元時君方信我及期果中狀元吳再問汪汪曰勿急待我再算郎君命中有一品者而后許之半年後走告吳曰桐城張相國之子名廷玉者將來官一品現在覓妾君何不以女歸之吳從之遂生若鸞若澄受兩重 誥封汪題其燈籠曰候中狀元某人多笑之在京師與方靈臯蔣南沙湯西崖齊名三人皆疎放而

方獨迂謹時相牴牾堂上挂沈石田芭蕉一幅所狎二
美伶來錯呼白菜人因以雙白菜呼之方大加規諫先
生厭之乃署其門曰候中狀元汪諭羣臯免賜光庶幾
南蔣或者西湯晦明風雨時來往又佞妨雙雙白菜終
日到書堂先生自知不壽自贈云生計未謀千畝竹浮
生只辦十年官又嘗望岱云閒雲莫戀山頭在四海蒼
生正望君

錢塘令曹江廬明府有子名一熊乳名順生聰穎異常
有李鄴侯晏元獻之風對客揮毫賦秋聲云西風颯颯
日相催桐葉飄搖滿綠苔最愛秋霜添逸韻樹中傳出

一聲來其時曹公方逐土娼客問娼應逐否笑曰好事者為之也客又問汝想作官否曰要作又不要作問何也曰學而優則仕學而不優則不仕問作官可要錢否曰要錢又不要錢問何也曰取之而燕民悅則取之取之而燕民不悅則不取

宋元俊作四川提督有恩威苗人畏而愛之 王師征金川頗立功以性剛犯上被劾臨訊時苗民護從者千餘人揮之不散宋公怒取其頭目杖四十終不忍去有叅戎哈某宋素輕之哈畫牡丹花于扇宋戲題曰已縮征西節新吹幕府笳如何貪富貴又畫牡丹花哈銜之

刺骨卒爲所搆

揚州洪錫豫字建侯年甫弱冠姿貌如玉生長于華腴之家而性耽風雅以詩書爲鼓吹與名流相過從昔人稱謝覽芳蘭竟體知其得于天者異矣爲余梓尺牘六卷寄詩請益其暮雨云衰柳拂西風蟲鳴亂葉中片雲將暮雨吹送小樓東螢火生寒碧簷花墜小紅那堪終夜裏蕭瑟傍梧桐春日云青蓑白衲了春耕上家人歸月二更燈影半殘眠未穩碧空吹落紙鷲聲意思蕭散眞清絕也

蘇州闈秀江銘玉有堂上視膳詩云明知溫清時時缺

隱懼春秋漸漸高真能道人子之心余讀之爲泣下
如臯張乾夫有南坪集八卷其子竹軒太守托其宗人
荷塘明府索序于余余適撰詩話爲摘一二以志吉光
片羽之珍其間溪云離墨山前路千林望鬱蒼人烟聚
茶市沙鳥繞漁梁白雨江聲急孤舟水氣涼今宵高枕
夢不減在瀟湘不寢云春更隱隱夜迢迢愁不能祛酒
易消斷送落花窗外雨生憎一半在芭蕉夜出南郊云
霜華散白滿長堤堤柳蕭蕭帶月低樹上凍鴉棲不定
屢驚人影過橋西慕園卽事云松影平分半窗月漏聲
散作滿城霜癸酉除夕云要問春從何處到開元寺裏

一聲鐘皆可愛也

仁和高氏女與其隣何某私通女已許配某家迎娶有日乃誘何外出而自懸于梁何歸見之大慟卽以其繩自縊兩家父母惡其子女之不肖不肯收殮邑宰唐公柘田風雅士也爲捐貲買棺而雙瘞之作四六判詞哀其越禮之無知取其從一之可憫城中御士均爲賦詩余按此題着筆褒貶兩難獨女弟子孫雲鶴詩最佳詞曰由來情種是情癡匪石堅心兩不移倘使化魚應比目就令成樹也連枝紅綃已結千秋恨青史難教後代知賴有神君解憐惜爲營鴛冢播風詩後四句八面俱

到尤爲得體

錢謝莠枚與沙方伯第五子也亦有句云
解識巫山雲雨意始知唐勒是騷人亦佳

近見作詩者好作拗語以爲古好填浮詞以爲富孟子
所謂終身由之而不知其道者也朱竹君學士督學皖
江來山中論詩與余意合因自述其序池州太守張芝
亭之詩曰三百篇專主性情性情有厚薄之分則詩亦
有淺深之別性情薄者詞深而轉淺性情厚者詞淺而
轉深余道學士腹笥最富而何以論詩之清妙若此竹
君曰某所論卽詩家唐宋之所由分也因誦芝亭過望
華亭云昨夜望華亭未覩九峯面肩輿復匆匆流光如
掣電當境不及探過後心逾戀九疊芙蓉萬壑深登臨

不到幾沉吟何當直上東峯宿海月天風夜鼓琴又江
行云大吠人歸處燈移岸轉時端陽云看人懸艾虎到
處戲龍舟太白樓云何時江上無明月千古人間一謫
仙同人自齊山泛舟云聊以公餘偕舊友須知興到卽
新吾皆極淺語而讀之有餘味昔人稱陸遜意思深長
信然芝亭字仲謨名士範陝西人今觀察蕪湖其長君
汝驥亦能繼聲繼志題署中小園云風吹花氣香歸硯
月過松心涼到書將往邳州云此去正過桃葉渡歸來
不負菊花期又華蓋寺云曲徑松遮洞岩深寺隱山皆
清雅可傳